

唐  
音  
統  
籤

戊籤餘四十二羅隱之三

唐音統籤卷

七百九十五

五言排律

南園

搏擊路終迷南園且灌畦敢言逃俗態自是樂幽棲  
棲葉長春蕊濶科園早薤齊雨沾虛檻冷雪壓遠  
山低竹好還成徑桃夭亦有蹊小窓奔野馬閒甕  
養醯雞水石心逾切煙霄分已堅病憐王猛奮思  
笑隗囂泥澤蒲潮平岸江村柳覆堤到頭乘興是  
誰手好提携

聖真觀劉真師院十韻

月書  
簾下嚴君卦窓間少室峰攝生門已盡混跡世猶  
逢山數師王烈簪纓友戴顓魚跳介象鱸飯吐葛  
玄蜂紫飽垂新樵黃輕墮小松塵埃金谷路樓閣  
上陽鐘野鶴鷺肩寄仙書烏爪封支牀龜縱老取  
箭鶴何慵別久曾牽念閒來肯厭重尚餘青竹在  
試爲翦成龍

大梁見喬詒

湘水春浮岸淮燈夜滿橋六年悲梗斷兩地各萍  
漂刀筆依三事篇章奏珥貂跡卑甘汨沒名散稱  
逍遙好寺松爲徑空江桂作橈野香花伴落缸暖

酒和燒晉沼尋遊鳳秦冠竟歎鴻骨凡難大驚魂  
斷蕙蘭招悵望添蕪瑄蹤跡獸尊飄敗桐方委燐  
冤匣正衝霄戰代安籍國宗封孝景朝千年非有  
限一醉解無聊漏永燈花暗爐紅雪片銷久遊家  
共遠相對鬢俱凋運命從難合光陰奈不饒到頭  
衰笠笑兩信釣魚潮

投寄韋左丞

赤壁徵文聘中臺拜却說班資衆令僕曹署轄星  
辰悵被從誰起持綱自此新舉明朝典數封納詔  
書枌棠樹曾樹蔭臺馬齒雖塵便應訓倚注何處

居  
清  
新  
詩  
卷  
一  
一  
活窮鱗

按宣武鄭尚書二十韻

漢代營繕興闢難  
情須重德時論在明  
公族大輪開  
高本降  
世家唯寔  
謬官業卽  
清通  
勳苑論思外  
綸閣  
囑教中  
健毫驚  
絲鳳高步  
出冥鴻  
履歷雖吾道  
行藏必聖聰  
絳霄無繫滯  
漸水忽西東  
東廬高樓月  
袁郎滿座風  
四朝存故事  
兩地有全功  
去去才須展  
行行道益隆  
避權辭憲  
署仗節出南宮  
雁影相承接  
龍圖共始終  
自然須  
作礪不必恨  
臨戎幕下蓮花盛  
竿頭彈佩紅騎兒

逢郭伋戰士得文翁人地應無比  
簞瓢奈屢空因思一枝桂已得斷根蓬  
往事應歸捷勞歌且責躬殷勤信陵館  
今日自途窮

投浙東王大夫二十韻

越嶺千峰秀淮流一派長  
暫憑開物手來展濟時方  
舊跡蘭亭在高風桂樹香  
地清無等級天濶任徊翔  
塵尾談何勝螭頭筆更在在  
曾批鳳詔高已冠鵷行  
矚傲辭民部雍容出帝鄉  
趙堯推印綬勾踐與封疆  
水占仙人吹城留御史牀  
嘉賓鄒潤甫百姓賀知章  
席煖飛鸚鵡塵輕駐驢驢  
夜歌珠斷

續晴舞雪悠揚化向棠陰布春隨棣萼芳盛名韜  
不得雄畧晦彌彰自媿三冬學來窺數仞墻感深  
惟刻骨時去欲沾宸想望魚燒尾谷嗟鼠齧腸可  
能因蹇拙便合老滄浪題柱心猶壯移山志未忘  
深慙百般病今日問醫王

送汝州李中丞十二韻

群盜方爲梗分符奏未寧黃巾攻郡邑白挺掠生  
靈塵土周畿暗瘡痍汝水腥一寇雖翦滅數縣尚  
凋零理必咨寬猛謀須藉典刑與能纔物論慎選  
忽天庭官品尊臺秩山河擁福星虎知應去境牛

在肯全形舊政窮人瘼新衙展武經  
關防秋草白城壁晚峰青  
破膽期來復遮竄想待醒  
魯山行縣後聊爲奠椎馨

秋風生桂枝

涼吹從何起中宵景象清  
漫隨雲葉動高傍桂枝生  
漠漠看無際蕭蕭別有聲  
遠吹斜漢轉低拂白輪輕  
寥次工夫太乾坤歲序更因悲  
未歸客長望一枝榮

七言律詩一

自貽



衰老應難更進趨  
藥畦經卷自閒鋪  
縱無顯效亦  
藏拙若有所成甘守株  
嘆賦巡遊虛軌軌  
秦皇吞併謾驅驅  
如何只見丁家鶴  
依舊遼東數綠蕪

### 感懷

石徑松軒亦自由  
飄飄身世逐飄流  
驚駭路結成  
千恨縈轉林生半  
叢秋雜耳聽聞  
宮裏語低頭須  
向路人羞誰教  
小事相催逼  
未到青雲擬白頭

### 春思

蕩漾春風淥似波  
惹情掃恨去  
僊僊燕翻永日音  
聲好柳舞空城  
意緒多蜀國  
暖回浮峽浪  
倚娘清

轉過雲歌可憐戶外桃兼李仲蔚蓬蒿奈爾何

閒居早秋

槐杪清蟬咽雨餘蕭蕭涼葉墜衣裾噪槎鳥散沉  
蒼嶺弄杵風高上碧虛百歲夢生悲蛺蝶一朝香  
死泣芙蓉六宮誰買相如賦團扇恩情日日疎

七夕

絡角星河舊箇天一家歡笑設紅筵應傾謝女珠  
幾篋盡寫檀郎錦繡篇香帳簇成排窈窕金針穿  
罷拜嬋娟銅壺漏報天將曉惆悵佳期又一年

官池秋夕

池邊月影閒婆娑池上醉來成短歌芙蓉抵死怨  
珠露蟋蟀苦口嫌金波往事向人言不得舊遊臨  
老恨空多松醪作酒蘭爲棹十載煙塵奈爾何

### 晚眺

凭古城邊眺晚晴遠村高樹轉分明天如鏡面都  
來淨地似人心總不平雲向嶺頭閒不徹水流溪  
裏太忙生誰人得及莊居老免被榮枯寵辱驚

### 村橋

村橋酒旆月明樓偶逐漁舟繫葉舟莫學曾人疑  
海鳥須知莊叟惡犧牛心寒已分灰無焰事往曾

將水共流除却思量太平在肯拋踈散換公侯

水邊偶題

野水無情去不迴水邊花好爲誰開祇知事逐眼前過不覺老從頭上來窮似丘軻休歎息達如周邵亦塵埃思量此理何人會蒙邑先生最有才

西上

西上青雲未有期東浮滄海去何遲酒闌夢覺不  
知意花落月明空所思長恐病侵多事日一作老侵多病

可堪忙過少年時關雞走狗一作犬五陵道惆悵

輸他輕薄兒

西京道中

半夜秋聲觸斷蓬百年身事築成空  
彌生詞賦拋江夏漢祖精神憶沛中  
未必他時能富貴只因從此見窮通  
邊禽隴水休相笑自有滄洲一棹風

重九日廣陵道中

秋山抱病何處登前時韋曲今廣陵  
廣陵大醉不解悶韋曲舊遊堪拊膺  
佳節縱饒隨分過流年無奈得人憎  
却驅羸馬向前去半落路岐非所能

關亭春望

關畔春雲拂馬頭馬前春事共悠悠  
風欺岸柳長

條困露浥山花小  
朵愁信越功名  
高似徇裴王氣  
力大於牛未知  
至竟將何用  
渭水涇泥一向流

長安秋夜

遠聞天子似  
轅皇偶捨漁鄉人  
帝鄉五等列侯無  
故舊一枝仙桂有  
風霜燈歎短焰燒  
離鬢漏轉寒  
更滴旅腸歸計未  
知身已老九衢雙  
闕夜蒼蒼

杜陵秋思

南望商於北帝都  
兩堪棲托兩無圖  
只聞斥逐張  
公子不覺悲同楚  
大夫歲畔早涼生  
紫桂井邊疎  
影落高梧一杯綠  
酒他年憶灑向清  
波寄五湖

西京崇德里居

進乏梯媒退又難  
強隨豪貴婦長安  
風從昨夜吹銀漢  
淚擬何門落玉盤  
拋擲紅塵應有恨  
思量仙桂也無端  
錦繡羅屏空在事  
却教閒人把釣竿

西京道德里

秦樹團團久結陰  
此中莊舄動悲吟  
一枝丹桂未入手  
萬里滄波長負心  
老去漸知時態薄  
愁來惟把酒杯深  
七雄三傑今何在  
休爲閒人淚滿襟

曲江春感

江頭日暖花又開  
江東行客心悠哉  
高陽酒徒半

剝落終南山色空崔嵬聖代也知無棄物侯門未必用非才一船明月一竿竹家住五湖歸去來

春日葉秀才曲江

江花江草暖相隈也阿江頭把酒杯春色惱人遮不得別愁如蠹避還來安排賤跡無良策裨補明時望重才一曲吳歌齊拍手十年塵眼未曾開

皇陂

皇陂潏潏深復深陂西下馬聊登臨垂楊風輕天翠帶鯉魚日嬾跳黃金三月窮途無勝事十年流水見歸心輸他谷口郎夫子偷得閒名直一作至



今

丁亥歲作

甲子

病想醫門渴望梅十年心地僅成灰  
早知世事長如此自是孤寒不合來  
各畔氣濃高蔽日蟄邊聲  
暖乍聞雷滿城桃李君看取一一還從舊處開

塞外

塞外偷兒塞內兵聖君宵旰望昇平  
碧幢未作朝廷計白旆猶驅婦女行  
可使禦戎無上策只應憂國是虛聲  
漢皇第宅秦田土今日將軍已自榮

下第作

年年模樣一般般何似東歸把釣竿巖谷漫勞思  
雨露彩雲終是逐鷁鷁塵途魏闕身應老水到吳  
門葉欲殘至竟才多也須達不能長與看人看

### 東歸

仙桂高高似有神貂裘敝盡取無因唯將白髮期  
公道不覺丹枝屬別人雙闕往來慙聘謁五湖歸  
後耻交親盤盤紫蟹千卮酒添得臨歧淚滿巾

### 東歸途中作

松楸蒼黃鬢釣磯早年生計近年違老知風月終  
堪恨貧覺家山不易歸別岸客帆和雁落晚程霜

葉向人飛買臣嚴助精靈在應笑無成一布衣

途中寄懷

不知何處是前程合掌騰騰信馬行兩鬢已衰時  
未與數峰雖在病相與塵埃羣洛虛光影詩酒江  
湖漫姓名試哭軍門看誰問舊來還似禰先生

歸夢

陸海波濤漸漸深一迴歸夢抵千金路傍草色休  
多事牆外鶯聲肯有心日晚向隅悲斷梗夜闌澆  
酒哭知音貪財敗陣誰相悉鮑叔如今不可尋

別池陽所居

黃塵初起此留連  
火耨刀耕六七年  
雨夜老農思  
水旱雪時漁父共舟船  
已悲世事難  
去肯愧途  
危跡屢遷却是九華山  
有意列行相送到江邊

中元夜泊淮口

木葉迴飄水面平  
偶停孤棹已三更  
秋涼露露侵  
燈下夜靜魚龍遁  
岸行歌枕正牽題柱思  
隔樓誰  
轉遶梁聲  
錦帆天子狂  
竄魄應過揚州看月明

金陵夜泊

冷煙輕靄傍衰叢  
此夕秦淮駐斷蓬  
棲雁遠驚沽  
酒火亂鳴高遶落帆風  
地銷王氣波聲急  
山帶秋

唐詩集卷之六  
陰樹影空六代精靈人不見思量應在月明中

早春巴陵道中

遠雪亭亭望未消岳陽春淺自相饒短蘆冒土初  
生笋高柳偷風已弄條波沈洞庭館懶健谷連荆  
楚鬼神妖中流菱唱泊何處一隻畫船蘭作橈

宿荊州江陵館

西游象闕愧知音東下荆溪稱越吟風動菱荷香  
四散月明樓閣影相侵閒歌別枕千般夢醉送征  
帆萬里心薜荔衣裳木蘭檝異時煙雨好追尋

漢東秋思

簾卷雨牀琴瑟秋暫憑前計奈相留塵飄馬尾甘  
蓬轉酒憶江邊有夢遊隋帝舊祠雖寂寞楚妃清  
唱亦風流可憐別恨無人見獨背殘陽下寺樓

貴池曉望

稂莠參天翦未平且乘孤棹且行行計疎狡虎無  
三窟羈甚賓鴻欲一生合眼亦知非本意傷心其  
奈是多情前溪好泊誰爲主昨夜沙禽占月明

遊江夏口

醉別江東酒一杯往年曾此駐塵埃魚聽建業歌  
聲過水看瞿塘雪影來黃祖不能容賤客費禕終

是負仙才平生膽氣平生恨今日江邊首懶迴

憶夏口

漢陽渡口蘭爲舟漢陽城下多酒樓當年不得盡  
一醉別夢有時還重遊襟帶可憐吞塞雁風煙好  
是冷江鷗月明更想曾行處吹笛橋邊木葉秋

憶九華

九華巉岬廕柴扉長憶前時此息機黃菊倚風村  
酒熟綠蒲低雨釣魚歸干戈已是三年別塵土那  
堪萬事違回首佳期恨多少夜闌霜露又沾衣

戊籤餘四十二羅隱之四

唐音統籤卷

七百九十六

七言律詩二

江州望廬山

東南蒼翠何崔嵬橫流一望幽抱開影寒已入水  
底去脚濶欲過湖心來深處不唯容鬼怪暗中兼  
恐有風雷仙人往往今誰在紅杏花香首重回

西塞山

在武昌界孫吳以之爲西塞

吳塞當時指此山吳都亡後綠

集作水

孱顏嶺梅乍

暖殘粧恨沙鳥初晴小隊閒波瀾魚龍應混雜壁  
危猿欲奈巉巖會將一副寒簪簪來與漁翁作往



還

鐘山

見方輿  
勝覽

臨塘古廟一神仙  
繡幌花容色儼然  
爲逐朝雲來此地  
因隨暮雨不歸天  
眉分初月湖中鑑  
香散餘風竹上煙  
借問邑人沉水事  
已經秦漢幾千年

黃河

莫把阿膠向此傾  
此中天意固難明  
解通銀漢應須曲  
纔出崑崙便不清  
尚祖誓功衣帶小  
仙人占斗客槎輕  
三千年後知誰在  
何必勞君報太平

錢塘江上

怒聲洶洶勢悠悠羅刹江邊地欲浮  
設道往來存大信也知翻覆向平流  
任拋巨浸疑傾底猛過西陵似有頭  
至竟朝昏誰主宰好騎賴尾問陽侯

漢江上作

漢江波浪綠于苔每到江頭病眼開  
半雨半風終日恨無名無跡幾時迴  
雲生岸谷秋陰合樹接帆檣晚思來  
對此空慙聖明代忍教纒上有塵埃

武牢關

楚人曾此限封疆不見清陰六里長  
一壑暮聲何怨望數峰秋勢自顛狂  
由來四皓須神仗大底秦

皇謨氣脈欲學雞鳴試關吏太平時節願思量

青鵲驛偶題

野雲芳草遶離鞭政對青樓倚少年秋色未催輪  
塞雁人心先下洞庭船高歌酒市狂狂晴大嚼屠  
門亦偶然車馬同歸真箇恨古人頭白盡林泉

蓮塘驛

蓮塘館東初日明蓮塘館西行人行隔林啼鳥似  
相應當路好花疑有情一夢不須追往事數杯猶  
可慰勞生莫言來去只如此君看鬢邊霜幾莖  
自湘川東下立春泊夏口四風登孫檀城

吳門此去逾千里湘浦離來想數旬只見黑師長  
占路不知青帝已行春危憐壞堞猶遮水狂愛寒  
梅欲傍人事往時移何足問且憑村酒暖精神

登夏州城樓

寒聲獵獵戍旗風獨倚危樓悵望中萬里山河唐  
土地千年竟隴晉英雄離心不忍聽邊馬往事應  
須問寒鴻好脫儒冠從校尉一枝長戟六鈞弓

定遠樓

前朝上將定妖氛曾集雄師駐大軍近日關防雖  
弛柝舊時欄檻尚侵雲

高世共開懷恐  
來者少不知難  
解救功勳

于越亭

楚水蕭蕭多病身  
隨君危檻過稽山  
城自石陵  
谷流水那知越  
興秦岸下藤蘿  
陰作怪橋邊蛟  
蜃夜欺人弄  
芭洲遠江村  
潮潮自征途  
淚滿巾

姑蘇城南湖陪曹使君遊

水蓼花紅稻穗黃  
使君蘭棹泛湖光  
迴塘倚風藻荇  
先開路迎旆  
鳬鷺盡着行  
手裏兵符神與  
術腰間金印  
綵爲囊少年  
太守勳庸  
盛應笑燕臺  
兩鬢霜

題真隱山隱人所居

蒲梢獵獵驚差池數里溪光日落時芳草一作樹文

君機上錦遠山孫壽鏡中眉雞窓夜靜開書卷魚

檻春深展釣絲若使浮名拘絆得世間何處有男

兒

### 春日獨遊禪智寺

遠樹連天水接空幾年行樂舊隋宮花開花謝長

一作還如此人去人來自不同鸞鳳調一作詞高何處

酒吳牛蹄健滿車風思量只合騰騰醉煮海平陳

盡一作夢中

### 揚州開元寺閣上作

月三首  
滿檻山川漾落暉檻前前事去如飛雲中鷄犬劉  
安過月裏笙歌煬帝歸江蹙海門帆散出地吞淮  
口樹相依紅樓翠幕知多少長向東風有是非

登瓦官寺閣

下盤空跡上雲浮偶逐僧行步步愁暫憩已知須  
用意漸危爭忍不回頭煙中樹老重江晚鐸外風  
輕四境秋懶指臺城更東望鵲飛龍鬬盡荒丘

春日湘中題嶽麓寺僧院

蟾宮虎穴兩皆休來凭危欄送遠愁多事林鶯還  
謾語薄情邊雁不迴頭春融只恐乾坤醉水濶深

知世界浮欲共高僧話心跡野花荒草亦相尤

### 秦望山僧院

巉巉危岫倚滄洲聞說秦王亦此游霸土卷衣纔  
二世老僧傳錫已千秋陰崖水漱松根直蘚壁苔  
侵畫像愁各是病來俱未了莫將煩惱問湯休

### 甘露寺火後

六朝勝事已塵埃猶有閒人悵望來只道鬼神能  
護物不知龍象自成灰犀麈水府渾非怪燕說吳  
宮未是災還識平泉故侯否一生蹤跡此樓臺

### 詠史



靈簡遺編試一尋  
寂寥前是似如今  
餘駿筆硯珊瑚架  
趙勝眉朋玳瑁簪  
孝必片言資國計  
只應邪說動人心  
九原郝泚何由起  
虛誤西蕃八尺金

覽晉史

張翰思吳中  
鱸膾專美

齊王僚屬好男兒  
偶覓東歸便得歸  
滿目路岐拋似夢  
一船風雨去如飛  
盤擎紫線蓴初熟  
筋撥紅絲膾正肥  
惆悵中途無限事  
與君千載兩忘機

卽事中元甲子

三秦流血已成用  
塞上黃雲戰馬閒  
只有羸兵填渭水  
終無奇士出商山  
田園已沒紅塵內  
弟侄相

逢白刃間惆悵翠華猶未返淚痕空滴劍文斑

中元甲子以辛丑駕幸蜀四首

子儀不起渾瑊亡西幸誰人從武皇四海爲家雖  
未遠九州多事竟難防已聞肝食思真將會待收  
游致假王應感兩朝巡狩跡綠槐端正驛荒涼

爪牙柱石兩俱銷一點偷塵九土播敢恨甲兵爲  
棄物所嗟流品誤清朝幾時膚笑殲張角何處愚  
人戴隗囂跪望峻山重故告可能餘烈不勝妖

邪氣奔屯瑞氣移清平過盡到艱危縱饒犬疑迷  
常理不柰豺狼幸此時九廟有靈思李令三川悲

月二系金  
憶恨張儀可憐一曲還京樂重對紅蕉教蜀兒  
白丁攘臂犯長安翠輦蒼黃路屈盤丹鳳有情塵  
外遠玉龍無跡渡頭寒靜憐貴族謀身易危惜文  
皇創業難不將不候何計是釣魚船上淚闌干

廣陵秋夜讀進士常修三篇因題

入蜀歸吳三首詩藏于篋笥重於師劍關夜讀相  
如聽瓜步秋吟場帝悲景物也知輪健筆時情誰  
不許高枝明年二月春風裏江岳閒人慰所思

渚宮秋思

楚城日暮煙靄深楚人駐馬還登臨襄王臺下水

無賴神女廟前雲有心千載是非難重問一江風  
雨好閒吟欲招屈宋當時魄蘭蓼荷枯不可尋

湘南春日懷古

晴江春暖蘭蕙薰鳬鷺冉冉鷗著群洛陽賈誼自  
無命少陵杜甫偏有文空闊遠帆遮落日蒼茫密  
樹一作高岫凝歸雲松醪酒好昭潭靜閒過中流一弔  
君

經故洛陽城

敗垣危堞跡依稀試駐羣驂弔落碑駿虵已成梁  
冀在簡書誰問杜鵑歸由來世事須翻覆未必餘

才解是非千載後  
功業與君門下作恩威

北嶺山

一種山前路入秦  
高山堪愛此傷神  
魏明未處虛  
留得經史雖生的  
晴巾何必更尋無主骨也知曾  
有舞鶴人幾他  
蟻嶺吹簫客  
閒傍雲頭看俗塵

題瀘州妙善寺前石羊

相傳吳主孫權與蜀主劉備嘗此置會

紫髯孫蓋此沉吟  
狠石猶存事可尋  
漢鼎未分

一作

安聊把手楚醪離  
滿肯同心英雄已往時  
難問苦

蘇何知日漸深  
還有市廊沽酒客  
鵲喧鳩聚話蹄

終

題籌筆驛

拋擲南陽爲主憂，北征東討盡良籌。  
時來天地雖同力，運去英雄不自由。  
千里山河輕孺子，兩朝冠劍恨誰周。  
惟餘巖下多情水，猶解年年傍驛流。

建康

潮平遠岸草侵沙，東晉衰來最可嗟。  
庾舅已能窺帝里，王郎還是預人家。  
山寒老樹啼風雨，泉暖枯骸動齒牙。  
欲起九泉看一遍，秦淮聲急日西斜。

春日登上元石頭城

萬里傷心極目春，東南王氣只遼巡。  
野花相笑落

滿地山鳥自憐啼  
傍人謾道城池須險阻  
可知豪傑亦埃塵  
太平寺主惟輕薄  
却把三公與賊臣

臺城

晚雲陰映下空城  
六代纍纍夕照明  
玉井已乾龍不起  
金甌雖破虎曾爭  
亦知霸世才難得  
却是蒙塵事最平  
深谷作陵山作海  
茂弘流涕莫傷情

清溪江令公宅

鸞鏡象管夜深時  
曾賦陳宮第一詩  
讎罷風流人不見  
廢來蹤跡草應知  
鶯憐勝事啼空谷  
蝶戀餘香舞好枝  
還有往年金甃井  
牧童樵叟等閒窺

汴河

當時天子是閒游今日行人特地愁  
柳色縱饒粧故國水聲何忍到揚州  
乾坤有意終難會黎庶無情豈自由  
應笑秦皇用心錯謾驅神鬼海東頭

江都

淮王高宴動江都曾憶狂生亦坐隅  
九里樓臺牽翡翠兩行鵲鷺踏真珠  
歌聽麗句秦雲咽詩轉新題蜀錦鋪  
惆悵晉陽星拆後世間兵革地荒蕪

岐王宅

朱郎平臺隔禁闈貴遊陳跡尚依稀  
雲低雍時祈



年去雨細長楊從獵歸申白賓朋傳道義應劉文  
彩寄音徽承平舊物惟君一作名盡猶寫雕鞍一作六  
飛

昇平公主舊第

乘鳳仙人降此時玉篇纔罷到文詞兩輪水磴光  
明照百尺鮫綃換好詩帶礪山河今盡在風流罇  
俎見無期壇場客散香街暝惆悵齊竽取次吹

過廢江寧縣

王昌齡嘗尉  
北縣甲之

縣前水色細鱗鱗一爲夫君平水賓謾把文章一作  
後代可知榮貴是他人鸞倫舊韻還成曲草頓餘

吟盡解春我亦有心無處說等閒停棹似迷津

九華山費徵君所居

草堂何處試徘徊見說遺蹤向此開蟾桂白歸三

徑後鶴書曾向九天來白雲事跡雖然

一作在青

瑣光陰竟不迴盡日爲君思曩昔野泉鳴咽路莓  
苔

金陵思古

杜秋在時花解言杜秋死後花更繁柔姿曼態葬  
何處天紅膩白愁荒原高洞紫簫吹夢想小窓殘  
雨濕綺寬綺筵金縷無消息一陣征帆過海門

淮南高騏所造迎仙樓

寫音鶴信查難迴鳳鸞龍車早晚來仙境是誰知  
 處所人間空自造樓臺雲侵朱檻應難到  
 網閒窓永不開仔細思量成底事露疑風擺作塵埃

后土廟

隱撰廣陵妖亂記云高騏末年呂用祇小廟用之賤時所寓自騏修崇之極土木之工于夫人帳中塑一綠衣年少謂之韋郎寫大白陰經十道置神座側廟成有人于西廡棟上題長句詩云云好事者競相傳誦  
韋安道與后土夫人緣感事見異聞錄  
按此詩本隱所作托言人所題者以寄在騏幕故諱之耳

四海干戈尚未寧，漫勞淮海寫饑形。  
九天玄女猶無信，后土夫人豈有靈。  
一帶好雲侵鬢綠，兩行危岫一作神似誤拂眉青。  
韋郎年少耽閒事，案上休誇一作太白經。

### 湘妃廟

劉表荒碑斷水濱，廟前幽草閉殘春。  
已將怨淚流斑竹，又感悲風入白蘋。  
八族未來誰北拱，四凶猶在莫南巡。  
九峰相似堪疑處，望見蒼梧不見人。

### 息夫人廟

百雉摧殘連野青，廟前猶見昔朝廷。  
一生雖抱楚

王恨千載終爲息地靈龜網翠鬟終縹緲風吹寶瑟助微冥玉顏輝似羞來客依舊無言照畫屏

衡陽泊木居士廟下作

烏噪殘陽草滿庭此中枯木似人形只應鬼物長爲主未必浮槎卽有靈八月風波飄不去四時黍稷薦惟馨南朝更信無因賦半落祠前水氣腥

燕昭王墓

戰國蒼茫難重尋此中踪跡想知音強停別騎山花曉欲弔遺魂野草深浮世近來輕駿骨高臺何處有黃金思量郭隗平生事不殉昭王是負心

漂母墳

寂寂荒墳一水濱  
蘆洲絕島自相親  
青蛾已落淮邊月  
白骨甘爲泉下塵  
原上荻花飄素髮  
道傍旅葉碎羅巾  
雖然寂寞千秋鬼  
猶是韓侯舊主人

經耒陽杜工部墓

紫菊馨香覆楚醪  
奠君江畔雨蕭蕭  
騷旅魂自足才  
相累閒骨何妨塚  
更高駉驢喪來輕  
蹇蹶芝蘭衰後長  
蓬蒿屈原宋玉憐  
君處幾駕青螭緩  
鬱陶

謁文宣王廟

晚來乘興謁先師  
松柏淒淒人不知  
九仞蕭牆堆

瓦礫三間茅殿走狐狸雨淋狀似嗟麟泣露滴還  
同歎鳳悲倘使小儒名稍立豈教吾道受接遲

代文宣王答

三教之中儒最尊止戈爲武武尊文吾今尚自披  
蓑笠爾等何須讀典墳釋氏寶樓侵碧漢道家宮  
殿拂青雲若教顏閔英靈在終不羞他李老君

戊籤餘四十二羅隱之五

唐音統籤卷

七百九十七

七言律詩三

錢尚父生日

大昴分光降斗牛興唐宗社作諸侯伊夔事業扶  
千載韓白機謀冠九州貴盛上持龍節鉞延長應  
續鶴春秋錦衣玉食將何報更俟莊椿一舉頭

暇日投錢尚父

牛斗星邊女宿間棟梁虛敞麗江關望高漢相東  
西閣名重淮王大小山醴設闕傾金鑿落馬歸爭  
撼玉連環自慙麋鹿無能事未報深恩鬢已斑



春日投錢塘元帥尚父二首

正憂衰老辱金臺敢望昭王顧問來  
門外旌旗屯虎豹壁間章句動風雷  
三都節已聯翩降兩地花應次第開  
若比紫髯分鼎足未聞餘力有瓊瓌

征東幕府十三州敢望非才忝上游  
官秩已叨吳品職姓名兼顯魯春秋  
鹽車顧後聲方重火井窺來焰始浮  
一句黃河千載事郢城王粲謾登樓

吳越

備史云隱寂疾王親臨撫問因題其壁云黃河信有澄清日後代應難繼此才隱起而續末句云門外旌旗屯虎豹壁間章句動風雷由是以紅紗罩覆其上

病中上錢尚父二首

左脚妨行右臂攣每慚名跡汚賓筵縱饒吳主容  
衰病爭柰燕臺費料錢藜杖已乾難更把竹巵雖  
在不堪懸深恩重德無言處回首浮生淚泫然

玉函瑤檢下台司記得當時捧領時半壁龍蛇蟠  
造化滿筐山嶽動神祇疲牛舐犢心猶切陰鶴鳴

鵲力已衰穉子不才身抱疾日窺真跡淚雙垂

此

以子爲托也隱子名塞翁  
善畫羊備史云隱無文嗣

### 錢塘府亭

新恩別啟館娃宮還拜吳王向此中九牧土田周  
制在兩藩茅社漢儀同春生舊苑芳洲雨香入高

臺小徑風更有寵光人未見問安調膳盡三公

贈羅鄴王二首

營室東迴蔭斥丘少年承襲擁清油坐調金鼎尊  
明主橫把瑀戈傲列侯書札二王爭巧拙篇章七  
子謝風流西園舊跡今應在衰老無因奉勝遊鄴地

室壁分野斥丘鄴下古  
縣名俗本作赤丘誤

脉散源分歷幾朝縱然宦宦只賓僚正憂未泝淪  
滄海忽見高枝拂絳霄百萬貔貅趨玉帳三千賓  
客冠金貂良時難得吾宗少應念衰門久寂寥

魏博羅令公附卷有回

寒門雖得在諸宗樓北集南恨不同馬上因慙銷  
髀肉幄中猶羨愈頭風蹉跎歲月心仍切遙遞江  
山夢未通深荷吾人有知己好將筆力當英雄

寄酬鄴王羅令公三首

敢將衰弱附強宗細算還緣血脉同湘浦煙波無  
舊迹鄴都蘭菊有遺風每憐惟亂書猶達所恨雲  
泥路不通珍重珠璣及繡段草玄堂下寄楊雄  
水雲開霽立高亭依約黎陽對福星只見篇章矜  
鏤管不知勲業柱青冥早緣入夢金方礪晚爲傳  
家鼎始銘鶴髮四番煙閣遠此生何處拜儀形

錦笈瓊囊

一作箱

往復連紫鸞啣到浙江邊綃從海

室奪煙霧樂奏帝宮勝管絃長笑應劉非顯達每

嫌伊霍少詩篇戴灣老圃根基薄虛費工夫八十

年

為王師範贈羅鄴王

紀事云鄴王紹威學憲為詩青州王師範遣使

齋禮幣求一篇為贈以

詩寄之二云云王得詩大喜

盛業傳家有寶刀況聞餘力更揮毫腰間印綬黃

金貴卷內文章白雪高宴罷佳賓吟鳳藻獵回諸

將問龍韜登壇甲子纔三十猶擬回頭睹錦袍

奪錦

標

京口見李侍郎

傿傿江柳欲矜春，鐵瓮城邊見故人。  
屈指不堪言甲子，披風常記是庚申。  
別來且喜身俱健，亂後休悲業盡貧。  
還有杖頭沽酒物，待尋山寺話逡巡。

鍾陵見進士楊尋

孺亭滕閣少踟躕，三度南遊一事無。  
只覺流年如鳥逝，不知何處有龍屠。  
雲歸洪井枝柯歛，水下章江氣色麤。  
賴得與君同此醉，醒來愁被鬼揶揄。

湘中見進士喬詡

吳公臺下別經秋，破虜城邊暫駐留。  
一笑有時堪

解夢數年無處不同遊雲牽楚思橫魚艇柳送鄉  
心入酒樓且酌松醪依舊醉誰能相見向春愁

錢塘見芮逢

蔡倫池北雁峰前離亂相兼十九年所喜故人猶  
會面不堪良牧已重泉醉思把筇敲歌席狂憶判  
身入酒船今日與君羸得在戴家灣裡兩瞢然

往年進士趙能卿嘗話金庭勝事見示叙述  
會稽詩客趙能卿往歲相逢話石城正恨故人無  
上壽喜聞良宰有高情山朝佐命層層聳水接飛  
流步步清兩火一刀罹亂後會須乘興雪中行

酬寄右司李員外

當年憶見桂枝春自此清途未四旬  
左省望高推健筆右曹官重得名人  
閒摘麗藻嫌秋興靜獵遺編笑過秦  
猶把隋和向泥滓應憐疎散任天真

酬黃從事懷舊見寄

舊遊不合到心中把得君詩意亦同  
水館酒闌清夜月香街人散白楊風  
長繩繫日雖難絆辨口談天不易窮  
世事自隨蓬轉在思量何處是飛蓬

廣陵秋日酬進士臧漬見寄

驛西斜日滿窓蟬獨凭秋欄思渺綿

一作然數尺斷



逢慙故國一輪清鏡泣流年已知世事真徒爾縱  
有心期亦偶然一作焉空媿荀家好兄事鴈來魚去  
是因緣

縣齋秋晚酬友人朱瓚見寄

中和節後捧瓊瓊坐讀行吟數月來只歎雕龍方  
擅價不知顏尾竟空迴千枝白露幽潛柳百尺黃  
金郭隗臺惆悵報君無玉案水天東望一徘徊

酬章處士見寄

中原甲馬未曾安今日逢君事萬端亂後幾回鄉  
夢隔別來何處路行難霜鱗共落三門浪雪鬢同

歸七里灘何必新詩更相戲小樓吟罷暮天寒

秋日酬張特玄

病寄南徐兩度秋故人依約亦揚州偶因雁足思  
閒事擬棹孤舟訪舊遊風急幾聞江上笛月高誰  
共酒家樓平生意氣消磨盡甘露軒前看水流

秋日汴州客舍酬友人

梁宋追遊早歲同偶然爲一作違別事皆空年如流

水催何急道似危途動卽窮醉舞且欣連夜月狂  
吟還聚一樓風煩君更枉騷人句白鳳靈蛇滿篋

一作袖中

和淮南李司空送韋士赴轉運員外

層層高閣舊瀛洲此地須徵第一流丞相近年榮  
倚望重才今日喜邀遊榮持健筆金黃貴恨咽離  
筵筦吹秋誰繼伊臯送行句梁王詩好郢人愁

和禪月大師見贈

高僧惠我七言詩頓豁塵心展白眉秀似谷中花  
媚日清如潭底月圓時應觀法界蓮千葉肯折人  
間桂一枝漂蕩秦吳十餘載因循猶恨識師遲

荅宗人袞

袞奉梁主命聘吳越時梁以夕  
郎徵隱不赴袞贈詩隱荅之

崑崙水色九般流飲卽神仙憩卽休敢恨守株曾

失意始知緣木更難求  
鵲原謾欲均餘力  
鶴髮那堪問舊遊  
遙望北辰當上國  
羨君歸棹五諸侯

出試後投所知

此去蓬壺兩日程  
當時消息甚分明  
桃須曼倩催方熟  
橘待洪崖遣始行  
島外音書應有意  
眼前塵土漸無情  
莫教更似西山鼠  
嚙破愁腸恨一生

投所思

顛顛長安何所爲  
旅魂窮命自相疑  
滿川碧嶂無歸日  
一榻紅塵有淚時  
雕琢只因勞郢匠  
膏肓終恐誤秦醫  
浮生七十今三十  
從此恹惶未可知

通試投所思

桃在仙翁舊苑傍  
暖煙晴靄撲人香  
十年此地頻偷眼  
二月春風總斷腸  
曾恨夢中無好事  
也知囊裏有仙方  
尋思仙骨終難得  
始與回頭問玉皇

新安投所知

少年容易捨樵漁  
曾辱明公薦子虛  
漢殿夜寒時不食  
宋都風急命何踈  
雲埋野艇吟歸去  
草沒山田賦遂初  
長劍一尋歌一奏  
此心爭肯爲鱸魚

裴庶子除太僕卿因賀

楚珪班序未爲輕  
莫惜良圖副聖君  
宮省舊推皇

甫謚寺曹今得夏侯嬰秩隨科第臨時貴官逐簪  
裾到處清應笑馬安虛巧宦四廻遷轉始爲卿

賀淮南節度盧員外賜緋

儉蓮高貴九霄聞燦燦朱衣降五雲驄馬早年曾  
避路銀魚今日且從軍銜題綵服垂天眷袍展花  
心透縠紋應笑當年老萊子鮮華都自降明君

荀令生日

祥煙靄靄拂樓臺慶續玄元節後來已向青陽標  
四序便從嵩嶽應三台龜銜玉柄增年算鶴舞瓊  
筵獻壽杯自顧下儒何以祝柱天功業濟時才

鄭州獻盧舍人

時本官王令公  
收復兩京後

海槎閒暇閩風輕不是安流不肯行  
雞省露濃湯餅熟鳳池煙暖詔書成  
漁籌已合光儒學堯印何妨且治兵  
會待兩都收復後右圖儀表左題名

廣陵李僕射借示近詩因投獻

朝論國計暮論兵餘力猶隨鳳藻生  
語繼盤盂拋俗格氣兼河嶽帶商聲  
閒尋綺思千花麗靜想高吟六義清  
天柄已持堯典在更堪回首問緣情

夏州胡常侍

百尺高臺勃勃州大刀長戟漢諸侯  
征鴻過盡邊

雲濶戰馬閒來塞草秋國計已推肝膽許家財不  
爲子孫謀仍聞隴蜀猶多事深喜將軍未白頭

上鄂州韋尚書

往歲先皇馭九州侍臣才業最風流文窮典誥雖  
餘力俗致雍熙盡密謀蘭省換班青作綬柏臺前  
引絳爲韞都緣未負江山興開濟生靈校一秋

臨川投穆中丞

試將生計問蓬根心委寒灰首戴盆翅弱未知三  
島路舌頑虛掉五侯門嘯煙白狔沉高木撫月清  
砧觸旅魂家在碧江歸不得十年漁艇長苔痕



述中獻晉州孟中丞

太平天子念蒲東又委星郎養育功昨日隼旗辭  
闕下今朝珠履在河中樓移庾亮千山月樹待袁  
宏一扇風不及政成應入拜晉州何足展清通

上江州陳員外

寒江九派轉城樓東下鍾陵第一州人自中臺方  
貴盛地從西晉卽風流舊班久望鸛晴翫餘力猶  
聞虎夜浮應恨屬官無健令異時佳節阻閒遊

徐冠南逼感事獻江南知己

酒闌離思浩無窮西望維揚憶次公萬里漂零身

未了一家知獎意曾同雲遮晉國塵應暗路轉吳  
江信不通今日便成盧子諒滿襟珠淚墮霜風

贈湖州裴郎中

貴提金印出咸秦瀟灑江城雨度春一泓水清疑  
見瞻數重山翠欲留人望崇早合歸黃閣詩好何  
妨戀白蘋自是受恩心未足却垂雙翅羨吳均

贈先輩令狐補闕瀉

舊唐書瀉少舉進士以父瀉在內職而止凡一

十九年瀉罷相鎮河中上進士第隱以詩紀事云瀉登進士第隱以詩  
是年登第賀之綢謂瀉曰吾不喜汝及第喜汝得羅公一篇耳

中間聲跡早薰然阻避鈞衡過十年碧海波浪高終

濟物蒼梧雲好已歸天花迎綵服離鶯谷柳傍東  
風觸馬鞭應念淒涼洞庭客夜深雙淚憶漁船

贈盧從事

大梁從事  
居汜水

前年帝里望行塵記得仙家第四人  
泉煖舊諳龍偃息露寒初見鶴精神  
歌聽上榻梁園晚夢遶殘鐘汜水春  
知有篋中編集在只應從此是經綸

安陸贈徐礪

靈蛇橋下水聲聲曾向橋邊話別情  
一榻偶依陳太守二年深憶禰先生  
塵欺鬢色非前事火蕤蓬根有去程  
還把餘杯重相勸不堪秋色背鄖城

湘中贈范鄖

丹桂無心彼此諳二年踈嬾共江潭  
愁知酒盞終難捨老覺人情轉不堪  
雲外鷓鴣非故舊眼前膠漆是煙嵐  
勞歌一奏霜風暮擊折湘妃白玉簪

贈漁翁

葉艇悠揚鶴髮垂生涯空托一綸絲  
是非不向眼前起寒暑任從波上移  
風濤長歌秋月裏夢和春雨晝眠時  
逍遙此意誰人會應有青山綠水知

卷終

戊籤餘四十二羅隱之六

唐音統籤卷

七百九十八

七言律詩四

江南寄所知周僕射

曾陪公子醉西園  
峴首碑前事嬾言  
世亂共嗟王粲老  
時危俱受信陵恩  
潮憐把盞吟江徼  
雨憶凭闌望海門  
飛蓋寂寥清宴罷  
不知簪履更誰存

春晚寄鍾尚書

宰府初開奉末塵  
四年談笑隔通津  
官資肯便矜中路  
酒盞還應憶故人  
江畔舊遊秦望月  
檻前公事鏡湖春  
如今莫問西禪塢  
一炷寒香老病身

寄鍾常侍

一從朱履步金臺  
藥苦冰寒奉上台  
峻節不由人學得  
遠途終是自將來  
風高漸展摩天翼  
餘聳方呈構厦材  
應笑樟亭舊同舍  
九州無驗滿爐灰

金陵寄竇尚書

二年岐路有西東  
長憶優游楚驛中  
虎帳談高無客繼  
馬卿官傲少人同  
世危肯使依劉表  
山好猶能憶謝公  
此去此恩言不得  
謾將閒淚對春風

得宣州竇尚書書因投寄二首

雙魚迢遞到江濱  
南感陵陽

一作傷感南陵

舊主人萬里

朝臺勞寄夢十年侯國阻趨塵尋知亂後嘗辭祿  
共喜閒來得養神時見齊山敬亭客不堪戎馬戰  
征頻

曾逐旌旗過板橋世途多難竟蓬飄步兵校尉辭  
公府車騎將軍憶本朝醉裏舊遊還歷歷病中衰  
鬢柰蕭蕭遺簪墜履應留念門客如今只下寮

寄前宣州竇常侍

往年西謁謝玄暉尊酒留歡醉始歸曲檻柳濃鶯  
未老小園花煖蝶初飛噴香瑞獸金三尺舞雪佳  
人玉一圍今日亂離尋不得滿蓑風雨釣魚磯

登宛陵條風樓寄竇常侍

亂離時節懶登臨  
試借條風半口吟  
只有遠山含  
煖律不知高閣動  
歸心溪喧晚棹千聲浪  
雲護寒郊數丈陰  
自笑踈慵似麋鹿也教臺上費黃金

寄張侍郎

衰羸豈合話荊州  
爭奈恩多不自由  
無路重趨桓  
典馬有時曾上仲宣樓  
塵銷別迹堪垂淚  
樹拂他門懶舉頭  
一種人間太平日  
獨教零落憶滄洲

寄京闕陸郎中昆仲

栢臺蘭署四周旋  
賓榻何妨雁影連  
纔見玳簪歌



細柳便知油幕勝紅蓮家從入洛聲名大跡爲依  
劉事分偏爭奈亂離人漸少麥城新賦許誰傳

寄前戶部陸郎中

出馴桑雉入朝簪瀟灑清名映士林近日篇章欺  
白雪早年詞賦得黃金桂堂縱道探龍領蘭省何  
曾駐鶴心懼亂事多人不會酒濃花暖且閒吟

秋日泊平望驛寄太常裴郎中

蘋洲重到宿難期徒倚郵亭憶往時北海樽中常  
有酒東陽樓上豈無詩地清每負生靈望官重方  
升禮樂司聞說江南舊歌曲至今猶是唱吳姬

湖州裴郎中赴闕後投寄簡友生

錦帳郎官捧詔年汀洲曾駐木蘭船  
襍酒醒春瓶倒柳惺詩成海月圓  
歌蹙遠山珠滴滴漏催香燭淚  
漣漣使君入拜吾徒在宣室  
他時豈偶然

冬暮寄裴郎中

曉髮星星入鏡宜  
早年容易近年悲  
敢言得事時將晚  
只恐酬恩日漸遲  
南國傾心應望速  
東堂開口欲從誰  
仙郎舊有黃金約  
瀝膽隳肝更禱祈

暇日感懷因寄同院吳蛺拾遺

璧池清秩訪燕臺  
曾捧瀛洲札翰來  
今日二難俱

大夜當時三幅謾高才戲悲槐市便便寄狂憶樟  
亭滿滿杯猶幸小蘭同舍在每因相見卽銜哀

寄池州鄭員外

獸遶朱輪酒滿船郡城瀟灑貴池邊衣同萊子曾  
分筆扇似袁宏別有天九點好山樓上客兩行高  
柳雨中煙陵陽百姓將何福社舞村歌又一年

龍丘東下却寄孫員外

穀江東下幾多程每泊孤舟卽有情山色已隨遊  
子遠水紋猶認主人清恩如海岳何時報恨似煙  
花觸處生百尺風帆兩行淚不堪回首望崢嶸

寄三衢孫員外

小敷文伯見何時南望三衢渴復饑天子未能崇  
典誥諸生徒欲戀旌旗風高綠野苗千頃露冷平  
樓酒滿卮盡是數旬陪奉處使君爭肯不相思

雪溪晚泊寄韓庶子

溪風如扇雨如絲閒步閒吟柳惲詩杯酒踈狂如  
曩日野花狼籍似當時道窮漫有依劉感才急應  
無借寇期滿眼雲山莫相笑與君俱是受深知

寄右省王諫議

耳邊要靜不得靜心裏欲閒終未閒自是宿緣應

有累可能時事更相關魚慚張翰辭東府鶴怨周  
顒負北山看却金庭芝木老又驅車入七人班

寄鄭補闕

夫子門前數仞墻每經過處憶遊梁路從青瑣無  
因見恩在丹心不可忘未必便爲讒口隔只應貪  
草諫書忙別來愁悴知多少兩度槐花馬上黃

寄楊秘書二首

潮水平來見鯉魚偶因烹處得瓊琚披尋藻思千  
重後吟想冰光萬里餘漳浦病來情轉薄赤城吟  
苦意何如錦衣公子憐君在十載兵戈從板輿

蕭蕭簷雪打窓聲因憶江東阮步兵兩信海潮書  
不達數峰稽嶺眼長明梅繁幾處垂鞭看酒好何  
人倚檻傾會待與君開社鷺滿船載月鏡中行

春日憶湖南舊游寄盧校書

旅榜前年過洞庭曾提刀筆事甘寧玳筵離隔將

軍幕珠履頻窺處士星

校書自處士受命

恩重匣中孤劍

在夢餘江畔數峰青金貂見鵬嘉賓散迴首昭丘  
一淚零

秋日有寄姑蘇曹使君

多病無因棹小舟闔閭城下謁名侯水寒不見雙

魚信風便惟聞五袴謳早說用兵長暗合近傳觀  
稼亦閒遊須知謝奕依前醉閒阻清談又一秋

暇日有寄姑蘇曹使君兼呈張郎中郡中賓  
僚

嘉樹陰陰覆劍池此中能政動神祇湖邊觀稼雨  
迎馬城外犒軍風滿旗融酒徒誇無算爵儉蓮還  
少最高枝珊瑚筆架真珠履曾和陳王幾首詩

寄渭北徐從事

暖雲慵墮柳垂條驄馬徐郎過渭橋官秩舊參荀  
秘監尊韓今伴霍嫖姚科隨鵠箭頻曾中禮向侯

弓已重招莫恨東風促行李不多時節却歸朝

寄黔中王從事

故人刀筆是軍書南轉黔江半月餘別後鄉關情  
幾許近來詩酒興何如貪將醉袖矜鸛谷不把瑤  
絃附鯉魚今日舉場君莫問生涯牢落鬢蕭疎

第五將軍於餘杭來柱觀一作入道因有題

寄

交梨火棗味何如聞說蒼川已卜居瓦榼尚携京  
口酒草堂應寫潁陽書亦知得意須乘鶴未必忘  
機便釣魚一作却恐武皇還望祀軟輪徵入問玄



虛

寄徐濟進士

往年疎懶共江湖月滿花香記得無  
霜壓楚蓮秋後折雨催蠻酒夜深沾紅塵偶別一作迷前事丹桂相輕愧後圖一作徒出得函關抽得手從來不及阮元瑜

寄進士盧休

半年池口恨萍蓬今日思量已夢中  
遊子馬蹄難重到故人樽酒與誰同  
山橫翠後千層綠蠟想歌時一燼紅  
從此客程君不見麥秋梅雨遍江東

唐詩集  
秋夜寄進士顧榮

秋河耿耿夜沉沉往事三更盡到心  
多病謾勞窺聖代薄才終是費知音  
家山夢後帆千尺塵土搔來髮一簪  
空羨良朋盡高價可憐東箭與南金

秋日禪智寺見裴郎中題名寄韋瞻

野寺疎鐘萬木秋偶尋題處認名侯  
官離南郡應聞暇地勝東山想駐留  
百盞濃醪成別夢兩行垂露浣羈愁  
心知只有韋公在更對真蹤話舊遊

寄韋瞻

石城蓑笠阻心期落盡山花有所思  
羸馬二年蓬

轉後故人何處月明時風催曉燕看看別雨脇秋  
蠅漸漸癡禪智闌干橋市酒縱然相見只相悲

下第寄張坤

謾費精神掉五侯破琴孤劍是身譬九衢雙闕擬  
何去玉壘銅梁空舊游蝴蝶有情牽晚夢杜鵑無  
賴伴春愁思量不及張公子經歲池江醉酒樓

寄崔慶孫

故人何處又留連月冷風高鏡水邊文陣解圍纔  
昨日醉鄉分袂已三年交情澹薄應長在俗態流  
離且勉旃還擬山陰一乘興雪寒難得渡江船

綿谷迴寄蔡氏昆仲

紀事作魏  
城逢故人

一年兩度錦江遊  
前值東風後值秋  
芳草有情皆礙馬  
好雲無處不遮樓  
山將別恨和心斷  
水帶離聲入夢流  
今日因君試迴首  
澹煙喬木隔綿州

寄南城韋逸人

杜甫詩中韋曲花  
至今無賴尚家家  
美人曉折露沾袖  
公子醉歸香滿車  
萬里丹青傳不得  
二年風雨恨無涯  
羨他南澗高眠客  
春去春來任物華

寄喬逸人

南經湘水

一作補

北揚州  
別後風帆幾度遊  
春酒誰

家禁爛熳野花何處最淹留欲憑尺素邊鴻懶未  
定雕梁海鷺愁長短此行須入手更饒君占一年  
秋

廣陵春日憶池陽有寄

煙水濛濛接板橋數年經歷駐征橈醉凭危檻波  
千頃愁倚長亭柳萬條別後故人冠獬豸病來知  
已賞鷁鷁清流夾宅千家住會待聞乘一信潮

湖上歲暮感懷寄友人

雪天螢席幾辛勤同志當時四五人蘭版地寒俱  
受露桂堂風惡獨傷春音書久絕應埋玉編簡難

唐詩集  
言竟委塵惟有廣都龐令在白頭樽酒憶交親

秋晚寄友人

洞庭霜落水雲秋又泛輕漣任去留世界高談今  
已得宦途清貴舊曾遊手中綵筆誇題鳳天上泥  
封漿狎鷗更見南來釣翁說醉吟還上木蘭舟

旅舍書懷寄所知

思量前事不堪尋牢落餘情滿素琴四海豈無騰  
躍路一家長有別離心道從汨沒甘雌伏跡恐因  
循更陸沉寂寞誰應弔空館異鄉時節獨沾巾

秋日有寄

丹青未合便回頭見盡人間事始休只有百神朝  
寶鏡永無纖浪犯虛舟曾臨鐵甕雖分職近得金  
陵亦偶遊東去西來人不曾上卿踪跡本玄洲

夜泊毗陵無錫縣有寄

草蟲幽咽露初圓獨繫孤舟夜已闌濁浪勢奔吳  
苑急疎鐘聲出慧山寒愁催鬢髮凋何易貧戀家  
鄉別漸難他日親朋應大笑始知書劍是無端

江邊有寄

江邊舊業半凋殘每軫歸心卽萬端狂折野梅山  
店暖醉聽村笛酒樓寒只言聖代謀身易爭奈貧

儒得路難同病同憂更何事爲君題筆畫漁竿

寄處默師

甘露樓簾看雨脚樟亭倚柱望潮頭十年顧我醉  
中過兩地與師方外遊人歸長寄夢近無書  
信更堪臺香爐煙靄虎溪月終棹鐵船尋惠休

寄無相禪師

老住西峰第幾層爲師迴首憶南能  
有緣有相應非佛無我無人始是僧  
爛棋作袍名復利鑠金爲講愛兼憎  
何如一衲塵埃外日日香煙夜夜燈

寄程尊師



鶴信雖然到五湖煙波迢遞路崎嶇玉書分薄花生眼金鼎功遲雪滿鬚三秀紫芝勞夢寐一番紅槿恨朝晡未知朽敗凡間骨中授先生指教無

寄西華黃鍊師

西華有路入中華依約山川認永嘉羽客昔時留篠簜故人今又種煙霞壇高已降三清鶴海近應通八月槎盛事兩狀君總得老萊衣服戴頤家

寄第五尊師

茗溪煙月久因循野鶴衣裘獨爾綸只說泊船無定處不知携手是何人朱黃揀日囚尸鬼青白臨

時注腦神欲訪先生問經史世間難得自由身

吳門晚泊寄句曲道友

採香徑在人不由採香徑下停葉舟

一作採香徑  
停一葉舟

桃花李花關紅白山鳥水鳥自獻酬十萬梅銷空  
寸土三分孫策竟荒丘未知到了關身否笑殺雷  
平許遠遊

孫員外赴闕後重到三衢

遠山高樹思悠哉重倚危樓盡一杯謝守已隨徵  
詔入魯儒猶逐斷蓬來地寒謾憶移暄手時急方  
須濟世才宣室夜闌如有問可能全忘未燃灰

西川與蔡十九同別子超

相歡雖則不多時  
相別那能不歛眉  
蜀客賦高君解愛  
楚宮腰細我還知  
百年恩愛無終始  
萬里因緣有夢思  
腸斷門前舊行處  
不堪全屬五陵兒

東歸別常修

六載辛勤九陌中  
却尋歸路五湖東  
名慙桂苑一枝綠  
膾憶松江兩筋紅  
浮世到頭須適性  
男兒何必盡成功  
惟慙鮑叔深知我  
他日蒲帆百尺風

東歸別所知

芙蓉宮闕二妃壇  
兩處因依五歲寒  
鄒律有風吹

不變郊枝無分住應難愁心似火還燒鬢別淚非  
珠謾落盤却笑淮南好難求也能終始逐劉安

奉使宛陵別二三從事

梁王雪裏有深知偶別家鄉隔路岐官品共傳勝  
曩日酒杯爭肯忘當時豫章地暖矜千尺越嶠天  
寒愧一枝還有釣魚簑笠在不堪風雨失歸期

江亭別裴饒

行杯且待怨歌終多病憐君事事同衰髯別來光  
影裡故鄉歸去亂離中乾坤墊裂三分在井邑摧  
殘一半空日晚長亭問西使不堪車馬尚萍蓬

撫州別阮兵曹

雪晴天外見諸峰  
幽軋行輪有去蹤  
內史宅邊今獨恨  
步兵廚畔舊相容  
十年別鬢疑朝鏡  
千里歸心著晚鐘  
若把他時更青眼  
未知誰肯薦臨邛

戊籤餘四十二羅隱之七

唐音統籤卷

七百九十九

七言律詩五

淮南送李司空朝覲

聖君宵旰望時雍升詔西來雨露濃楚客歌狂

一作

宣父

休歎鳳武侯才大本吟

一作

龍九州似鼎終

須負萬物爲銅甃待鑄臘後春前更何事便看經  
度秦東封

送內使周大夫自杭州朝貢

八都上將近平戎使附轡軒奏聖聰三按駕前朝  
覲禮一函江表戰征功雲歸閭苑何時見水到瑤

池觸處通知有殿庭餘力在莫辭消息寄西風

吳越

朝真中原由海道故五六句云

### 送光祿崔卿赴闕

十年目斷望西轅此日殷勤聖主恩上國已留虞  
寄命中朝應聽范汪言官從府幕歸卿寺路向千  
戈見禁門鶴侶寂寥曹署冷更堪嗚咽問田園

### 送支使蕭中丞赴闕

八年刀筆別京華歸去青冥路未賒今日風流卿  
相客舊時基業帝王家彤庭彩鳳雖添瑞望府紅  
蓮已減花從此舊寮如有問海邊麋鹿半邊槎

淮南送司勳李郎中赴闕

中朝品秩重文章雙筆依前賜望郎五夜星辰歸  
帝座半年樽俎奉梁王南都水暖連分影北極天  
寒雁着行不必戀恩多感激過淮應合見微黃

送陸郎中赴闕

幕下留連兩月強爐邊侍史舊焚香不關雨露偏  
垂意自是鴛鴦合着行三署履聲通建禮九霄星  
彩應明光少喻鏤管丘遲錦從此西垣使鳳凰

淮南送節度盧端公將命之汴州端公嘗爲  
汴州相公從事



吹臺高倚圃田東此去輶車事分同珠履舊參蕭  
相國綠衣今佐晉司空辭離淮甸寒星下吟指梁  
園密雪中到彼的知宣室語幾時微拜黑頭公

淮南送盧端公歸臺

鸞鳳勢逸九霄寬北去南來任羽翰朱紱兩叅王  
儉府繡衣三領杜林官道從上國曾匡濟才向牢  
盆始重難應笑張綱謾生事埋輪不得在長安

送盧端公歸臺盧校書之夏縣

綿綿堤草拂征輪龍虎俱辭楚水濱只見勝之爲  
御史不知梅福是仙人地推八米源流盛才笑三

張事業貧一種西歸一般達栢臺霜冷夏城春

淮南送工部盧員外赴任

始從豸角曳長裾又吐雞香奏玉除隋邸舊僚推  
謝掾漢庭高議稱相如貴分赤筆升蘭署榮著緋  
衣從板輿遙想到時秋欲盡禁城涼露槐疎

送鄭州嚴員外

欲將刀筆潤王猷東去先分聖主憂滿扇好風搖  
鄭圃一車甘雨別皇州尚書積冷鴻聲晚僕射披  
寒樹影秋從此文星在何處武牢關外庾公樓

送蘄州裴員外

六枝仙桂最先春  
瀟灑高辭九陌塵  
兩晉家聲須有主  
大朝文粹別無人  
榮驅豹尾拋同輩  
貴上螭頭見近臣  
蘄水蒼生莫相羨  
眼看歸去掌絲綸

送雪川鄭員外

明時塞詔列分麾  
東擁朱輪出帝畿  
畿銅虎貴提天子印  
銀魚榮傍老萊衣  
歌聽茗塢春山暖  
詩詠蘋洲暮鳥飛  
知有掖垣南步在  
可能須待政成歸

送朗州張員外

聖朝綸閣最延才  
須牧生民始入來  
鳳藻已期它日用  
隼旟應是隔年回  
旗飄颯首嵐光  
重酒

江杜臯哀腸斷秦原二三月好花全爲使君開

重送

朱輪此去正春風且駐青驄聽斷蓬一榻早年容  
孺子雙旌今日別文翁誠知汲善心長在爭奈下  
時跡轉窮酬德酬恩兩無地謾勞惆悵鳳城東

送王使君赴蘇臺

東南一望可長吁猶憶王孫領虎符兩地干戈連  
越絕數年麋鹿卧姑蘇疲民賦重全家盡舊族兵  
侵大半無料得伍員兼旅寓不妨招取好椰榆

送溪州使君

兵寇傷殘國力衰就中南土藉良醫鳳御罷詔歸  
丹闕鵬倚霜風上畫旗官職不須輕遠地生靈只  
是計臨時灞橋酒盞黔巫月從此江心兩地悲

送丁明府赴唐山任

一作赴紫溪任

金徽玉軫肯躊躇偶共長途半月餘樓上酒闌梅  
拆後馬前山好雪晴初樂公社在憐鄉樹潘令花  
繁賀板輿聯譜莫辭留舊本異時風度看何如

送姚安之赴任秋浦

官罷春坊地象雷片帆高指貴池開五侯水暖魚  
肥去九子山晴雁序來江夏黃童徒逞辯廣都龍

令恐非才到頭稱意須年少贏得時光同酒杯

送南前昌崔令映替任攝新城縣

五年苛政甚蟲螟深喜夫君已戴星大族不唯專  
禮樂上才終是惜生靈亦知單父琴猶在莫厭東  
林酒未醒二月春風何處好亞夫營畔柳青青

送秦州從事

一枝何足解人愁却還隨定遠侯紫陌紅塵今  
別恨九衢雙闕夜同游芳時易失勞行止良會惟  
期且住留若到邊庭有來使試批書尾話梁州

送宣武徐巡官

傲睨公卿三十年東來西去盡悠然自知關畔元  
非馬祇覺壺中別有天漢帝詔銜應異日梁王風  
雪是初筵臨行不惜刀圭便愁殺長安買笑錢

送宿松傅少府

江蘿漠漠樹重重東過清淮到宿松縣好也知臨  
皖水官閒應得看瀟峰春生綠野吳歌怨雪霽平  
郊楚酒濃留取餘杯待張翰明年歸棹一從容

送人赴職任褒中

物態時情難重陳夫君此去莫傷春男兒只要有  
知己才子何堪更問津萬轉江山通蜀國兩行珠

幸見褒人海棠花謝東風老應念京都共苦辛

送劉校書之新安寄吳常侍

野雲如火照行塵會續溪邊去問津才子省銜非  
未客楚君科第是同人在思下國千場醉病負東  
堂兩度春他日酒筵應見問鹿裘漁艇隔朱輪

送魏校書兼呈曹使君

亂罹無計駐生涯又事東遊惜歲華村店酒旗沽  
竹葉野橋梅雨泊蘆花讐書發跡官雖屈負米安  
親路不賒應見使君論世舊掃門重得向曹家

送沈光及第後東歸兼赴嘉禮



青青月桂觸人香  
白紵衫輕稱沈郎  
好繼馬卿歸故里  
况聞山簡在襄陽  
杯傾別岸終須醉  
草花一作傍征車漸欲芳  
擬把金錢助嘉禮  
不堪樓屑困名場

送章碣赴舉

羊鹿歌終別酒催  
粉闌星綵動昭回  
久經離亂心應破  
乍覩昇平眼漸開  
顧我昔年悲玉石  
憐君今日蘊風雷  
龍門盛事無因見  
費盡黃金老隗臺

送顧雲下第

行行杯酒莫辭頻  
怨歎勞歌兩未伸  
漢帝後宮猶

識字楚王前殿更無人年深旅舍衣裳敝潮打村  
田活計貧百歲都來多幾日不堪相別又傷春

送進士臧漬下第後歸池州

賦成無處換黃金却向春風動越吟天子愛才雖  
及席諸生多病又沾襟柳攀潮岸狂遮袂水憶池  
陽綠滿心珍重綵衣歸正好莫將閒事繫升沉

送臧漬下第謁寶卿州

賦得長楊不直錢却來京口看鶯遷也知絳灌輕  
才子好謁元常醉少年萬里故鄉雲縹緲一春生  
計淚瀾洸多情柱史應相問與話歸心正浩然

送裴饒歸會稽

金庭路指剡川蹤  
珍重良朋自此來  
兩鬢不堪悲  
歲月一卮猶得  
諸塵埃  
家通曩分心空在世  
遍橫  
流眼未開  
策杖山陰雪中客  
等閒乘興又須迴

送張館遊鍾陵

南憶龍沙兩岸行  
當時天下尚清平  
醉眠野寺花  
方落吟倚江樓月  
欲明老去亦知難  
重到亂來爭  
肯不牽情  
西山十二真人在  
從此煩君話姓名

早春送處士張坤歸汴州

一作早春送  
大梁盧從事

蕭蕭羸馬正塵埃  
又送歸軒向吹臺  
別酒莫辭今

夜醉故人知是幾時來一作迴泉經華嶽猶應凍花  
到梁園始合開爲謝東門抱關吏不堪惆悵滿離  
杯

送梅處士歸寧國

十五年前卽別君別時天下未紛紜亂離且喜身  
俱在存沒那堪耳更聞良會謾勞悲曩跡舊交誰  
去弔荒墳殷勤爲謝逃名客想望千秋嶺上雲

送友人歸夷門

三年流落大梁城每送君歸卽有情別路筭來成  
底事舊游言着似前生苑荒懶認詞人會門在空

憐烈士名至竟男兒分應定不須惆悵客中驚

送人歸湘中兼寄舊知

貴溪煙雨九華山亂後應同夢寐間  
萬里分飛休掩袂兩旬相見且開顏  
君依宰府貂裘貴我戀王門鬢髮斑  
爲謝伏波筵上客幾時金印擬西還

途中送人東遊有寄

離騷莫惜楚遼巡君向池陽我入秦  
歲月易拋非曩日酒杯難得是同人  
路經隋苑橋燈夜江轉臺城岸草春  
此處故交誰見問爲言霜鬢厭風塵

送晉光大師

師以草書應制

仰祠分首戴灣逢健筆尋知達九重聖主賜衣憐  
絕藝侍臣摘藻許高蹤寧親久別街西寺銜詔初  
離海上峰一種苦心師得了不須回首笑龍鐘

送程尊師東遊有寄

華蓋峰前擬卜耕主人無奈又閒行且憑鶴駕尋  
滄海又恐犀軒過赤城終簡便應朝右解紫旄兼  
合見東卿勸君莫忘歸時節芝似螢光處處生

送程尊師之晉陵

棟間雲出認行軒郊外陰陰夏木繁高道乍爲張  
翰侶使君兼是世龍孫溪舍句曲清連底酒貫餘

杭綠滿尊莫見時危便乘興興來何處不桃源

送楊鍊師却歸真誥巖

官途不復更經營歸去東南任意行別後幾迴思  
會面到來相見似前生久居竹蓋知勤苦舊業蓮  
峰想變更爲謝佯狂吳道士耳中時有鐵船聲

三衢哭孫員外

燕戀雕梁馬戀軒此心從此更何言直將塵外三  
生命未敵君侯一日恩紅蠟有時還入夢片帆何  
處獨銷魂忍看明發衣衿上珠淚痕中見酒痕

重過三衢哭孫員外

爛柯山下忍重別雙桂樓前日欲殘華屋未移春  
照灼故候何在淚洗瀾不惟濟物工未大長憶容  
才尺度寬一慟旁人莫相笑知音衰盡路行難

故洛陽公鎮大梁時隱得遊門下今之經歷  
事往人非聊抒所懷以傷以謝

孤舟欲泊思何窮曾憶西來值雪中朱履少年初  
滿座白衣游子也從公狂拋賦筆琉璃冷醉倚歌  
筵玳瑁紅今日斯文向誰說淚碑棠樹兩成空

常在江陵忝故中令白公叨蒙知遇今復重  
過渚宮感事悲身遂成長句



壯歲鄼侯鍾渚宮曾將青律暖孤蓬才麟曼倩三  
冬後藝許由基一箭中言重不能輕薄命地寒終  
是泣春風鳳凰池涸台屋折迴首岐山憶至公

重過隨州憶故兵部李侍郎恩知因抒長句  
莊周高論伯牙琴閒夜思量淚滿襟四海共誰言  
近事九原從此負初心鷗翻漢浦風波急雁下鄖  
溪霧雨深慚愧蒼生還有意解歌襦袴到如今  
河中經故翰林張舍人所居

行塵不是昔時塵謾向朱門憶侍臣一榻已無開  
眼處九泉應有愛才人文餘吐鳳他年詔樹想棲

鸞舊日春從此深恩更難報夕陽衰草獨沾巾

瓊華觀經故友所居

樵花漠漠向人黃此地追遊跡已荒清論不知蒙  
叟達死交空歎趙岐忙一作亡病來未忍言閑事老  
去唯應覓醉鄉日暮街東策羸馬一聲橫笛似山  
陽

清明日曲江懷友

君與田蘇卽舊遊我於交分亦綢繆二年隔絕黃  
泉下盡日悲涼曲水頭鷗鳥似能齊物理杏花疑  
欲伴人愁寡妻稚子應寒食遙望江陵一淚流

商於驛樓東望有感

山川去接漢江東曾伴隋侯醉此中歌遶夜梁珠  
宛轉舞嬌春席雪朦朧棠遺善政陰猶在薤送哀  
聲事已空惆悵知音竟難得兩行清淚白楊風

雒城作

大鹵旌旗出雒濱此中煙月已埃塵更無樓閣尋  
行處只有山川識野人早得鑄金誇范蠡旋聞垂  
釣哭平津舊游難得時相遇回首空城百草春

篋中得故王郎中書

鳳皇前年別望郎可嗟惟恐滯吳鄉勸踈杯酒知

妨事乞與書題作累糧  
羣鹿未能移海曲  
縣花尋已落河陽九原自此無  
因見反覆遺踪淚萬行

所思

梁王兔苑荆榛裏  
煬帝雞臺夢想中  
只覺惘然悲謝傳  
未知何以報文翁  
生靈不幸台星折  
造化無情世界空  
劃盡寒灰始堪歎  
滿庭霜葉一窓風

中秋月

湖上風高動白蘋  
暫延清景此逡巡  
隔年爲別因何事  
半夜相看似故人  
蟾向靜中矜爪距  
兔俚一作明處美精神  
姮娥老大應惆悵  
獨倚一作蒼蒼

桂一輪

雪

細玉羅紋下碧霄  
杜門顏巷落偏饒  
巢居只恐高柯折  
旅客愁聞去路遙  
擬凍野蔬和粉重  
掃庭松葉帶酥燒  
寒窓呵筆尋詩句  
一片飛來紙上銷

潤州甘露寺看雪上周相公

篩寒灑白亂溟濛  
禱請功兼造化功  
光薄乍迷京

口月影交初轉海門風細粘謝客衣襟

一作襟

上輕

拂

一作墮

梁王酒盞中一種爲祥君看取半襪災沴

半年豐

梅花

吳王醉處十餘里照夜拂衣今正繁  
經雨不隨山鳥散倚風如一作疑其路人言愁憐粉艷飄歌席靜  
愛寒香撲酒罇欲寄所思無好信爲君惆悵又黃昏

杏花

集作桃花鼓吹作杏花是

暖觸衣襟漠漠香閒梅邊柳不勝芳  
數枝艷拂交君酒半里紅歆宋玉墻  
盡日無人疑悵望有時經雨乍一作更  
淒涼舊山山下還如此迴首東風一斷腸

虛白堂前牡丹相傳云白太傅手植

吳越備史虛白

堂白樂天刺杭日所造武肅重葺改爲八會亭又更名都會堂隱爲之記詩云俱受

主人恩謂

武肅也

欲詢往事柰無言六十年來此托根香暖幾飄袁  
虎崩格高長對孔融罇曾憂世亂陰難合且喜春  
殘色尚存莫背欄干便相笑與君俱受主人恩

### 牡丹

似共東風別有因絳羅高捲不勝春若教解語應

傾國任是無情亦

一作也

動人芍藥與君爲近侍芙

蓉何處避芳塵可憐韓令功成後辜負穠華過此

身北夢瑣言云隱與周繇分孫繇謂隱曰閣下有女郭子詩極爲絕唱隱不喻何爲曰若教解語能傾國任是無情也  
動人隱撫掌大笑

### 牡丹

艷多煙重欲開難  
紅藥當心一抹檀  
公子辭歸燈下見  
美人朝插鏡中看  
當庭始覺春風貴  
帶雨方知國色寒  
日晚更將何所似  
太真無力凭闌干

### 詠白菊

甲乙集有咏菊籬畔霜前一篇  
寔李山甫詩誤入者今刪去

雖被風霜競欲催  
皎然顏色不低摧  
已疑素手能粧出  
又似金錢未染來  
香散自宜飄淥酒  
葉交仍得蔭香苔  
尋思閉戶中宵見  
應認寒窓雪一堆



野花

一作羅  
郭詩

萬點紅芳血色殷爲無名字對空山多因戲蝶尋  
香住少有行人輟棹攀若在侯門看不足爲生江  
岸見如閒結根必竟輸桃李長向春城紫陌間

扇上畫牡丹

爲愛紅芳滿砌階教人扇上畫將來葉隨綵筆參  
差長花逐輕風次第開閒掛幾曾停蛺蝶頻搔不  
怕落薜荔根生無地如仙桂疑是嫦娥月裡栽

詠繡

一片綠羅

洞房西室女工勞花隨玉指添

春色烏逐金鍼長羽毛蜀錦漫誇聲自貴越綾虛  
說價仍高可中用作鴛鴦被紅葉枝枝不碍刀

粉

每持纖白勸君時霜自無慘雪自凝郎若姓何應  
得傳女教窺宋不勞施粧成麗色唯花媚落盡啼  
痕只鏡知最好玉京仙署裏更和秋月照瓊枝

長明燈

破暗長明世代深煙和香氣兩沉沉不知初點人  
何在祇見當年火至今曉似紅蓮開沼面夜如寒  
月鎮潭心孤光自有龍神護雀戲蛾飛不敢侵

言

珪璋由來尚可磨似簀終日復如何成名成事皆  
因慎亡國亡家只爲多須信禍胎生利口莫將譏  
思逞黷河猩猩鸚鵡無端解長向人間被網羅

七言排律

病驄馬

櫪上病驄蹄裏裏江邊廢宅路迢迢自經梅雨長  
垂耳乍食菰漿欲折腰金絡銜頭光未減玉花毛  
色瘦來焦曾聽禁漏驚街鼓慣踏康莊怕小橋夜  
半雄聲心尚壯日中高卧尾還搖龍媒落地天池

遠何事牽牛在碧霄

戊籤餘

四十二羅隱之八  
四十三四十五同卷

唐音統籤卷八百

五言絕句

一 塢口逢人

艱難別離久中外往還深  
已改當時髮空餘舊日  
心

遇邊使

累年無的信每夜望邊城  
袖掩千行淚書封一尺  
情

移住別友

自到西川住惟君別有情  
常逢對門遠又隔一重

城

雪

盡道豐年瑞豐年瑞若何長安有貧者爲瑞不宜多

七言絕句

宮詞錦繡萬花  
俗後集

巧畫蛾眉獨出群當時人道便乘恩經年不見君王面落日黃昏空掩門

自遣

得卽高歌失卽休多愁多恨亦悠悠今朝有酒今

朝醉明日愁來明日愁

書懷

釣船拋却異鄉來擬向何門用不才  
日晚獨登樓上望馬蹄車轍滿塵埃

偶興

逐隊隨行二十春曲江池畔避車塵  
如今贏得將衰老閒看人閒得意人

京中晚望

心如野鹿跡如萍謾向人間性一靈  
往事不知多少夢夜來和酒一時醒

圍城偶作

東望陳留日欲曛每因刀筆想夫君自從郭泰碑  
銘後只見黃金不見文

早行二首

北去南來無定居此生計竟何如酷憐一覺平  
明睡長被雞聲惡破除

南灑江聲風又吹扁舟正與睡相宜無端戍鼓催  
前去別却青山向曉時

宿紀南驛

東窓南游憶楚朝陰風淅淅樹蕭蕭不知無忌姦



邪骨又作何山野葛苗

### 烏程

兩府攀陪十五年郡中甘雨幕中蓮一瓶猶是烏  
程酒須對霜風淚泫然

### 仙掌

掌前流水駐無日掌下軒車日日新漫向山頭高  
舉手何曾招得路行人

### 漫天嶺

西去休言蜀道難此中危險已多端到頭未會蒼

蒼色爭得禁他兩屐漫

嶺有大漫天小漫天故云

湮溪

涇溪石險人競懼終歲不聞傾覆人却是平流無  
石處時時聞說有沉淪

野狐泉

滴滴寒光濺路塵相傳妖物此替身又應改換皮  
毛後何處人間作好人

金山僧院

根盤蛟虯路藤蘿四面無塵輟棹過得似吾師始  
惆悵眼前終日有風波

紀事載隱又有句云老僧  
齋罷歸門扉不啻放壽四

題鑿石山僧院

日夜潮聲送是非  
一回登眺一忘機  
憐師好事無人見  
不把蘭芽染褐衣

獻尚父大王

數年鐵甲定東甌  
夜渡江山瞻斗牛  
今日朱方平殄後  
虎符龍節十三州

尚父偶建小樓特  
摘麗藻絕句不敢  
稱揚三首

結構叨憑柱石才  
敢期幢蓋此徘徊  
陽春曲調高難和  
盡日焚香倚隄臺

玳簪珠履媿非才時凭闌干首重回只待淮妖翦  
除後別傾卮酒賀行臺

欄檻初成愧楚才不知星彩尚迂迴風流孔令陶  
釣外猶記山妖逼小臺

夜泊義興戲呈邑宰

溪畔維舟問戴星此中三害在圖經長橋可避南  
山遠却恐難防是醉靈

贈妓雲英

鍾陵妓雲英隱與舊下  
弟見之雲英曰羅秀才尚未脫白

隱贈  
詩云

鍾陵醉別十餘春重見雲英掌上身我未成名君

未嫁可能俱是不如人

一贈無相禪師

人人盡道事空王  
心裡忙於市井忙  
惟有馬當山上客  
死門生路兩相忘

寄聶尊師

欲芟荆棘種交梨  
指畫城中日恐遲  
安得紫青磨鏡石  
與君閒處看榮衰

寄竇澤處士二首

蘭亭辭客舊知聞  
欲問平安隔海雲  
不是金陵錢太尉  
世間誰肯更容身

人字  
鰲背樓臺拂白榆此中嵯客亦踟躕年山道士無  
仙骨却向人間作酒徒

許由廟

高桂風飄濯漢濱土階三尺愧清塵可憐比屋堦  
封日若到人間是衆人

八駿圖

穆滿當年物外程電腰風脚一何輕如今縱有驂  
騑在不得長鞭不肯行

姑蘇臺

讓高泰伯開基日賢見延陵復命時未會子孫因

底事解崇臺榭爲西施

西施

家國興亡自有時吳人何苦進西施西施若解傾  
吳國越國亡來又是誰

秦記

長策東鞭極海隅  
黿鼉奔走鬼神趨  
憐君未到沙丘日  
肯信人間有死無

焚書坑

千載遺踪一窖塵  
路傍耕者亦傷神  
祖龍算事渾垂角  
將爲詩書活得人

始皇陵

荒堆無草樹無枝  
嬾向行人問昔時  
六國英雄漫多事  
到頭徐福是男兒

四皓廟

漢惠秦皇事已聞  
廟前喬木眼前雲  
楚王謾費閒心力  
六里青山盡屬君

書淮陰侯傳

寒燈挑盡見遺塵  
試灑椒漿合有神  
莫恨高皇不終始  
滅秦謀項是何人

韓信廟



項夷秦勢已雄布衣還是負深功  
懦夫女子俱堪恨却把餘杯奠蒯通

董仲舒

災變儒生不合聞謾將刀筆指乾坤  
偶然留得陰陽術閉却南門又北門

望思臺

芳草臺邊魂不歸野煙喬木弄殘暉  
可憐高祖清平業留與閒人作是非

韋公子

擊筩狂歌慘別顏百年人事夢魂間  
李將軍自家

聲在不得封侯亦自閒

嚴陵灘

中都九鼎動英髦  
漁釣牛蓑且遁逃  
世祖昇遐夫子死  
原陵不及釣臺高

銅雀臺二首

強歌強舞竟難勝  
花落花開淚滿縈  
只合當年伴君死  
免教憔悴望西陵

臺上年年掩翠娥  
臺前高樹夾漳河  
英雄亦到分香處  
能共常人使幾多

王濬墓

男兒未必盡英雄但到時來卽命一作通若使吳  
都猶王氣將軍何處立殊功

### 王夷甫

把得閒書坐水濱讀來前事亦酸辛莫言塵尾清  
談柄壞却淳風是此人

### 江南

玉樹歌聲澤國春纍纍輜重憶亡陳垂衣端拱渾  
閒事忍把江山乞與人

### 煬帝陵

入郭登橋出郭船紅樓日日柳年年君王忍把平

陳葉只換雷塘數畝田

江都

廢宮荒苑莫閒愁  
成敗終須盡幾頭  
一種風流一種死  
朝歌爭得似揚州

故都

江南江北兩風流  
一作迷津一拜侯  
至竟不如隋煬帝  
破家猶得到揚州

羅敷水

雉聲角角野田春  
試駐征車問水濱  
數樹枯桑雖不語  
思量應合識秦人

青山廟

市簫聲咽跡崎嶇雪耻酬恩此丈夫伯主兩忘時  
亦異不知魂魄更歸無

華清宮

紀事云昭宗問隱名欲以甲科處之  
有大臣奏曰隱雖有才然多輕易明

皇聖德猶備遺議將相臣僚豈能負乎  
凌縻帝問議謗之詞以此詩對事遂寢

樓殿層層佳氣多開元時節好笙歌也知道德勝  
堯舜爭柰楊妃解笑何

馬嵬坡

佛屋前頭野草春貴妃香骨此爲塵從來絕色知  
難得不破中原未是人

帝幸蜀

乾符歲一作秋歸昌詩

馬嵬煙柳正

一作山色翠

依依又見鑾輿幸蜀歸泉下

阿蠻應有語這回休更怨楊妃

孟浩然墓

數步荒榛

一作村

接舊蹊寒郊

一作江

漠漠雨

一作草淒淒

淒鹿門黃土無多少恰到書生

一作先生

塚便低

題杜甫集

見詩話總龜

楚水悠悠浸楚亭楚南天地兩無情恐交孫武重

泉下不見時人說用兵

淮口軍葬

一陣孤軍不復迴更無分別只荒堆莫言賦分須如此曾作文皇赤子來

感美猴人賜朱紱

益府燕閒錄云唐昭宗播

者猴頗馴能隨班起居昭宗賜以緋袍號  
孫供奉故羅隱有詩云云朱梁篡位取此  
猴令殿下起居猴望殿陛見全忠徑趣其  
所跳躍奮擊遂令殺之唐臣愧此猴多矣

十二三年就試期五湖煙月素相違何如買取狗

孫弄

一作學取  
孫供奉

一笑君王便著緋

貴游

館陶園外雨初晴綢轂香車入鳳城八尺象童三尺  
箠何知高祖要蒼生

題磻溪垂釣圖

錢氏有西西湖漁者日網魚  
數斤謂之使宅魚隱題此圖

遂蜀  
其微

昔望當年展廟謨直釣釣國更誰如若教生在西  
湖上也是須供使宅魚

京中正月七日立春

一二三四五六七萬木生芽是今日  
遠天歸雁拂雲飛近水遊魚迸冰出

七夕

月帳星房次第開兩情惟恐曙光催  
時人不用穿針待沒得心情送巧來



中秋不見月

風簾淅淅漏鐙痕一半秋光此夕分  
天爲素娥嬌怨苦併教西北起浮雲

中秋夜不見月

陰雲薄幕上空虛此夕清光已破除  
只恐異時開霽後玉輪依舊養蟾蜍

春風

也知有意吹噓切爭奈人間善惡分  
但是枇糠微細物等閒擡舉到青雲

雲

溶溶曳曳自舒張不向蒼梧卽帝鄉莫道無心便  
無事也曾愁殺楚襄王

竹下殘雪

牆下濃陰對此君小山尖險玉爲群夜來解凍風  
雖急不向寒城減一分

小松

已有清陰逼坐隅愛聲仙客肯過無陵遷谷變須

高節莫向人間作大夫

國學紀聞云昭諫咏松云其志亦可悲矣唐六臣

彼何人哉昭諫說錢鏐舉兵討梁其忠義可見視  
叙事朱溫之杜荀鶴詩冀土也此詩有入荀鶴

誤

人目新安道中見梅花

其年以徐冠停舉

長途酒醒臘天寒  
嫩蕊香英撲馬鞍  
不上壽陽公主面  
隣君開得却無端

紅梅

天賜臙脂一抹腮  
盤中磊落箇中哀  
雖然未得和羹便  
曾與將軍止渴來

杏花

暖氣潛催次第春  
梅花已謝杏花新  
半開半落閒園裏  
何異榮枯世上人

柳

灞岸晴來送別頻，相偎相倚不勝春。  
自家飛絮猶無定，爭把長條絆得人。  
一作爭解垂  
絲伴路人

柳

一簇青煙鎖玉樓，半垂欄畔半垂溝。  
明年更有新條在，不繞亂春風卒未休。

隋堤柳

夾岸依依千里遙，路人回首認隋朝。  
春風未悉宣華意，猶費工夫長綠條。

竹

籬外清陰接藥欄，曉風交戛碧琅玕。  
子猷歿後知誰在，空向孤山數往還。

青少粉節霜筠漫歲寒

鎮海軍所貢

題不全

危前飛雪扇前塵千里移添上苑春他日丁寧柿  
林院莫宣恩澤與閒人

金錢花

占得佳名繞樹芳依依相伴向秋光若教此物堪  
收貯應被豪門盡剗將

病中題主人庭鶴

遶水華亭舊所聞病中毛羽最憐君稻粱且足身  
兼健何必青雲與白雲

鷓鴣

莫恨鵲龍翠羽殘江南地暖隴西寒  
勸君不用分明語語得分明出轉難

子規

銅梁路遠草青青此恨那堪枕上聽  
一種有冤猶可報不如御石疊滄溟

鷺鷥

斜陽淡淡柳陰陰風裏寒絲映水深  
不要一作莫向人誇潔白也知長有羨魚心

蜂

不論平地與山尖無限風光盡被占  
採得百花成蜜後不知辛苦爲誰甜

蟬

天地工夫一不遺與君聲調借君綏  
風棲露飽今如此應忘當年滓濁時

簾二首

疊影重紋映畫堂玉鈎銀燭共熒煌  
會應得見神仙在休下真珠十二行

翡翠佳名世共稀玉堂高下巧相宜  
殷勤爲囑纖纖手卷上銀鈎莫放垂

白角匳

白似瓊瑤滑似苔隨梳伴鏡拂塵埃莫言此箇尖  
頭物幾度撩人惡髮來

聽琴

寒雨蕭蕭落井梧夜深何處怨啼鳥不知一盞臨  
邛酒救得相如渴疾無

聽琵琶

香煙酒散思朝散偶向梧桐暗處聞大抵曲中  
有恨滿樓人自不知君

席上歌水調



餘聲宛宛拂庭梅通濟渠邊去又回若使煬皇魂  
魄在爲君應合過江來

詠香

沉水良材食栢珍博山爐暖玉樓春憐君亦是無  
端物貪作馨香忘却身

淚

遍臉橫頤咽復勻也曾譏毀也傷神自從魯國潛  
然後不是奸人卽婦人

題新榜

隱在浙幕沈松得新  
榜示之隱題其末云

黃土原邊狡兔肥犬如流電馬如飛  
灞陵老將無

功業猶憶當時夜獵歸

句

夏窓七葉連陰暗

游城南記杜佑有別墅為城南之最有樹每朵七葉因以為名

隱詩紀之

賴家橋上湑河邊

隱又有城南雜感詩其題有景星觀姚家園葉

家林及此句今雜感詩亡

細看月輪真有意已知青桂近端

娥

曾公類苑裝筠娶蕭楚公女便擢進士隱詩云云

一個欄衡容不得

思量黃祖謾英雄

吳越備史隱初見錢鏐懼不見用遂以所為夏口詩標於卷末

云云鏐覽之大笑因加殊遇

張華謾出如丹語不及劉侯一

紙

鏐感錄云鄭畋女喜隱此詩

山雨霏微宿上亭雨中因

想雨淋鈴

上亭驛天中記

戊籤餘四十三

丘光庭吳興人國子太學博士集三卷宋志亡別撰兼明書

二卷于諸經多所考訂今存古詩七章

補新宮并序解

新宮成室也宮室畢乃祭而落之又與群臣賓客燕飲謂之成也昭二十五年左傳叔孫昭子聘于宋公享之賦新宮又燕禮升歌鹿鳴下管新宮今詩序無此篇蓋孔子返魯之後其詩散逸採之不得故也三百之篇孔子既已刪定子夏從而序之其序不冠諸篇別爲編簡繼其辭尋逸則厥義猶存若南陵白華之類故末晉得以前補之惟此新宮則辭義俱失苟非精考難究根源按新者有舊之辭也新作南門新作延觀是也宮者居處燕遊宗廟之總稱也士薦城韓以深其宮梁伯滿其公宮居處之宮也楚之章華晉之鹿那燕遊之宮也成三年新宮灾補

廟之宮也然則正言新宮居處之宮也蓋文王  
作豐之時新建官室官室初成而祭之因之以  
燕賓客謂之爲考考成也若宣王斯年考成室  
之類是也亦謂之落落者以酒澆落之也若楚  
子成章華之臺願與諸侯落之類是也因此之  
時時人歌詠其美以成篇章故周公祿之爲燕  
享歌焉必知此新宮爲文王詩者以燕禮云下  
管新宮下管者掌下以笙奏詩也鄭飲酒禮云  
工升而歌鹿鳴四牡皇皇者華歌訖笙入立于  
堂下奏南陔白華華黍笙之所奏何肯小雅肯  
是文王之詩新宮既爲下管所奏正與南陔事  
同故知爲文王詩也知非天子詩者以天子之  
詩非宋公所賦下管所奏故也知非諸侯詩者  
以諸侯之詩不入雅當在國風故也知非廟  
廟詩者以廟廟之詩不可享賓故也知非燕遊  
之宮詩者以燕遊之宮多不如禮其詩必當視  
刺視刺之作是爲變雅享賓不用變雅也山  
此而論則新宮爲文王之詩亦已明矣或曰曰  
文王既非天子又非諸侯爲何事也答曰周室  
本爲諸侯文王身有聖德當殷紂之代三分天

下之衆二分歸周而文王猶服事紂武王克殷  
之後謠之曰文追尊爲王其詩有風焉周召南  
是也有小雅焉鹿鳴南陔之類是也有大雅焉  
大明棫樸之類是也有頌焉清廟我將之類是  
也四始之中皆有詩者以其國爲諸侯身行工  
道薨後追尊故也新宮旣爲小雅今依其體以  
補之

云爾

與與新宮禮樂其融爾德惟賢爾維忠爲忠以  
公斯筵是同人之醉我與我延賓

與與新宮旣與而輪其固如山其儼如雲其寢斯  
安分我旣考落以燕群臣

與與新宮旣祭旣延我鋪于以醉賢有禮無  
愆我有斯宮斯宮以安康後萬年

新宮三章章八句

補茅鴟

并序

解

茅鴟刺食祿而無禮也。在位之人有重祿而無  
禮度。君子以為茅鴟之不若。作詩以刺之。襄  
二十八年左傳齊慶封奔魯。叔孫穆子食慶封  
慶封汜祭。穆子不說。使工為之諷。茅鴟杜元凱  
曰。茅鴟逸詩。刺不敬也。凡詩先偏。所不見者皆  
謂之逸。不分其舊亡與刪去也。臣以茅鴟非舊  
亡。蓋孔子刪去耳。何以明之。按襲二十八年孔  
子時年八歲。記曰。男子十年出就外傳。學書記  
十有三年。學樂習詩舞。論語曰。吾十有五而志  
於學。則慶封奔魯之日。與孔子就學之年。其間  
相去不遠。其詩未至流散。况周禮盡在。魯國孔  
子賢于叔孫。豈叔孫尚得見之。而孔子反不得  
見也。由此而論。茅鴟之作不合禮。又為依孔子  
刪去亦已明矣。或曰。安知新宮不為刪去。耶。答  
曰。新宮為周公所收。燕禮所用不與茅鴟同也。  
曰。茅鴟為風乎。為雅乎。非雅也。風也。何以言之。

以叔孫大夫所賦多是國風  
故也今之所補亦體風焉

茅鴟茅鴟無集我岡汝食汝飽莫我爲祥願彈去  
汝來彼鳳凰來彼鳳凰其儀有章

茅鴟茅鴟無啄我雀汝食汝飽莫我肯略願彈去  
汝來彼瑞鵲來彼瑞鵲其音可樂

茅鴟茅鴟無搏鸚鵡汝食汝飽莫我爲休願彈去  
汝來彼鴈鳩來彼鴈鳩食子其周

茅鴟茅鴟無噓我陵汝食汝飽莫我好聲願彈去  
汝來彼蒼鷹來彼蒼鷹祭鳥是徵

茅鴟四章章八句

戊籤餘四十四

皮光業字文通日休之子生於姑蘇武肅王署爲

推官文穆拜丞相美容儀善談論自言五七言詩

賈浪仙之儔集一卷宋志今亡

句

燒平樵路出潮落海山高錄行人折柳輕和

絮飛燕銜泥帶落花西清詩話光業嘗自負此聯警策裴光約云柳當有絮泥

或無花偏枯不爲工也

戊籤餘四十五

林嵩字雄飛登大順進士第爲吳越從事官侍御



詩一卷

唐志又有賦一卷宋志亡

今存詩一篇

贈天台王處士

深隱天台不記秋  
琴臺長別一何愁  
茶煙巖外雲初起  
新月潭心釣未收  
映宇異花叢發好  
穿松孤鶴一聲幽  
赤城不掩高宗夢  
寧久懸冠枕瀑流